



# सानसेयारि बड'सा

सानसेयारि "बड'सा" खरीलाइयाव  
स्माज्यादि जिज्जो लोब्बा थानाय रायथाय, खन्थाय,  
सल', सल'बाथा आरौ दावबायादि थावनि, पार्क  
बाइदिनि स्यायाव लिहनाय लिहबिबां दैथाय डर/  
सानसेयारि "बड'सा" खरीलाइया खेबखानावै  
फोस्वावगेव।  
बड'सायाव लिहठरनायनि दुबा खालाम,  
"बड'सा" खरी नोथां, जो बयबो आंगो खालाम।

सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Sunday ★ 18 February, 2024 Kokrajhar, BTC, Assam ★ Vol.-33, Issue No.320 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



आमसुआ खारिजा  
बिजनीआव अर  
खोमोरग्रा हान्जानि मिरु  
गायसन्नो दाबिदो

खारिजा, 17 फेब्रुवारी:  
बाक्सा जिल्लानि सालबारि  
महकुमानि सिडाव थानाय  
खारिजा बिजनी मौजायाव अर  
खोमोरग्रा हान्जानि मिरु  
गायसन्नो गौनि दाबि दैखांदो  
दुलायइ आसाम बाइइ सानखो  
फरायसा आफादिनि खारिजा  
बिजनी दखरा आफादआ।  
मख'नो गोनांदि, दिने आमसुनि  
खारिजा बिजनी दखरा  
आफादआ खारिजा बिजनी  
ओन्सोलाव अर खोमोरग्रा  
हान्जानि मिरु गायसन्नो  
दाबिनानै सालबारि महकुमा  
(□ 5 बिलाइआव)

## मदि सरकारनि गेरेन्टि

जौगाखां आबादारि, दावगाखां हादत

आबादारिफोरनो 23 कौटिनिबो बांसिन हानि देहा कार्ड होदो;  
बिसोरनि जौगाखां दिहुन्थायखौ रोखा खालामनाय जादो।

हमारा संकल्प  
विकसित भारत



बांसिन मिथिनो थाखाय  
स्कैन खालाम

## बड'लेन्ड हारिमायारि हाग्रा जिब-जुनातनि सायाव जथुम बिटिआरनि हाग्रा ओन्सोलखौ रैखाथि होनायनि बिधिडाव सरकारआ मख'जाथाव बिथांखि आजावदो: रन्जित बसुमतारि

भवानिपुर, 17 फेब्रुवारी:  
वर्ल्ड हेरिटेज साइट मानास  
माहारियारि पार्कनि बासबारि  
रेन्जयाव खुनाय हारिमायारि  
हाग्रानि जिब-जुनात जथुमायाव  
दिने नैथि साननि हाबाफारियाव  
हाग्रानि जिब-जुनात, आबहावा,  
मिथिंगा आरौ हाग्रानि सम्पदखौ  
रैखाथि होनायनि सायाव जर'खा  
सावराय जथुम खुनाय जायो।  
मख'नो गोनांदि, मानास  
माहारियारि पार्कनि साखाथि



ओन्सोलनि माखासे फरायसा,  
मिथिंगा अन्सायारि राइजो-  
राजाफोरजो लोगोसे मानास  
माहारियारि पार्कयाव फेनाय  
दावबायारिफोरा बड'लेन्ड  
हारिमायारि, हाग्रानि जिब-जुनात  
जथुमायाव बाहागो लादो।  
हाग्रानि जिब-जुनात आरौ  
हाग्रानि सम्पदफोरखौ रैखाथि  
होनायनि सायाव माखासे  
हाग्रानि सम्पद संदानगिरिफोरा  
(□ 5 बिलाइआव)

तामुलपुराव फलानजो लोगोसे 3.731  
किल'ग्रामनि मैदर हाथाइ बोखांदो



तामुलपुर, 17 फेब्रुवारी: हाग्रानि जिब-जुनात दायनिगिरि  
सामलायगा आफाद (डिब्लुडसिस), एसएसबि आरौ तामुलपुर  
रेन्जनि जुथाइ हाबाफारियाव थानाय 16 फेब्रुवारीखालि आसामनि  
तामुलपुर जिल्लायाव सासे पलानखौ ग्रेप्टर खालामो। बे  
अपारेसनआ तामुलपुरनि पब-कचुकटा ओन्सोलाव जादो। ग्रेप्टर  
खालामनाय सुबुखौ पब-काचुकटादिनि (□ 5 बिलाइआव)

अमृत पाल सिंआ मबाइल फन, स्याइ केमेरा बाहायगासिनो दड!  
पुलिस बिथोनगिरि गाहाइनि टुइटाव डिब्रुगड़ मिरु  
जोबथेसालि बिफाननि गोहैलुआ सोराडाव फैदो

डिब्रुगड़, 17 फेब्रुवारी: अमृत  
पाल सिं, जायनि मुंखौ बयबो  
मिबथिनो मोनो। मख'नो  
गोनांदि, हादत बिग्रायारिनि  
अजदआव डिब्रुगड़ मिरु  
जोबथेसालियाव साजा  
मोननाय अमृत पाल सिं एन्ड  
कम्पानीनि हेंथायै गुबुन मोनसे  
गिखंथाव अजद ओंखारदो।  
टुइटारनि गेजेरजो बेबायदि  
अजदखौ पुलिस बिथोनगिरि



गाहाइआ लाबोदो। अमृत पाल  
सिं एन्ड कम्पानीआ जोबथे  
जानानै थानाय एनएसए सेलआव  
मबाइल फन मोनो हादो। जेराव  
मबाइल ल' नड, दुथां जोबथे  
सालिनि साजा जाननाय अमृत  
पाल सिंआ बाहायगासिनो दड  
टिभि रिमट, स्याइ केमेरा पेन,  
पेनड्राइभ, ब्लूटूथ हेडफन,  
स्पीकार आरौ स्मार्थ वाटस,  
(□ 5 बिलाइआव)

दतमायाव फुड प्रसेसिं  
उद्यग जौगाखांनायनि  
फोरोंथाय होदो

गसाइगाव, 17 फेब्रुवारी: भारत सरकारनि फुड प्रसेसिं बिफान  
आरौ आसाम सरकारनि उद्यग जौगाखां निगमनि बान्जायनायाव  
आरौ भेलु फेबलेक्स प्राइभेट लिमिटेडनि हेफाजाबाव दिनेनिफ्राय  
सानथामनि हाबाफारिजो फुड प्रसेसिं उद्यग जौगाखां फोरोंथाय  
हाबाफारि खुनाय जायो। कक्राझार जिल्लानि दतमा जौगाखां  
खोन्डोनि मावखुलिनि सावराय न'ब्लाडाव खुनाय फोरोंथाय  
हाबाफारियाव फुंखा सुबुं महै कलकाता आइ आइ एमनि बिथांखि  
क-अडिनेटर यासिन आलिआ बाहागो लानाने बिएम्एफएमडिनि  
गेजेरजो जाखांफु फालांगिरिफोरा माबोरै मुलाम्फा मोनो हायो  
बेनि सायाव गुवारै फोरमायथिनाने होयो। फोरोंथाय  
हाबाफारियाव भेलु फेबलेक्स प्राइभेट लिमिटेडनि फोरोंथाय  
क-अडिनेटर हिमनिष गगेजो लोगोसे गासै सा 24 जाखांफु  
लाइमोन सेंग्रा-सिखलाफोरा बाहागो लायो।□

बिजेपिनि आखाइ हमसिगोन नामा कमल नाथआ ?  
फिसाज्ला नकुल नाथआ प्रफाइलनिफ्राय  
कंग्रेसनि मुंखौ बोखारनानै लाबाय

गोदान दिल्ली, 17 फेब्रुवारी:  
मध्य प्रदेशनि राजखान्थियाव  
जे'ना-जे'सि सोमजिनायनि  
सिगांग्रौ फोरमाइथाया  
मिजिथिजादो। फेगौ लकसभा  
बिसायख'थि आरौ राहुल  
गान्धीनि भारत जड न्याय यात्रा  
हाबाफारिया मध्य प्रदेशयाव  
सौहेनाय सिगांगो बारा' गिबि  
मन्थि कमल नाथआ  
बिजेपिआव हाबफेगोन होन्ना  
गोबां सावरायजादो। मख'नो  
गोनांदि, बिथाड गौनि एमपि  
फिसाज्ला नकुल नाथजो  
लोगोसे बिजेपि दोलोआव



हाबफेनायनि मिजिं दड।  
कमल नाथआ गावनि 17  
फेब्रुवारीनि सिगां थि खालामनाय  
गासैबो हाबाफारिफोरखौ बन्द'  
खालामबाय। सुलुडाव  
मिबथिनो मोननाय बायदिये दिने  
धुपालनिफ्राय दिल्लीसिम

दावबायलानो हागौ बिथाड।  
दिल्लीआवोनो गावनि एमपि  
फिसाज्ला नकुल नाथजो  
बिजेपिआव हाबनायनि मिजिं  
दड। एमपि नकुल नाथआ  
आथिखालाव सशियेल मिडिया  
(□ 5 बिलाइआव)

बिज्ञान नायगिरनाय गथ'सा बिज्ञान  
फोर्बो आयदानि मावबादा खुंदो

तामुलपुर, 17 फेब्रुवारी: तामुलपुर हिन्जावसा गोजो  
फरायसालिनि लांगोनायाव दिने बिज्ञान नागिरनाय गथ'सा  
बिज्ञान आयदानि सायाव मोनसे मावबादा खुनाय जायो।  
माहारियारि डिस्क'भारि मिशननि सिडाव समग्र शिक्षा  
आसामनि सुथानायाव मोनसे बिज्ञान बिथानि हाबाफारि  
खुनायनि बिथिडव आर्यभत बिज्ञान मिरुनि बान्जायनायाव  
आरौ आसाम बिज्ञान आरौ बिरेंदामिन आफादिनि हेफाजाबाव  
मोनसे बिज्ञान मावबादा खुनाय जायो। बिज्ञान मावबादाखौ  
दैदो आर्यभत बिज्ञान मिरुनि तामुलपुर खोन्डो क-अडिनेटर  
उत्तम दासआ। फुंखा सुबुं महै बाक्सा जिल्ला आर्यभत  
बिज्ञान मिरुनि क-अडिनेटर हेमन्त कुमार दास, बारा' क-  
अडिनेटर दिलिप कुमार नाथक आरौ आर्यभत बिज्ञान मिरु,  
नाग्रिजुलि खोन्डोनि क-अडिनेटर बिष्णुराम मेथिआ। तामुलपुर  
जिल्लानि गं 30 सोलोथाइ फसंथाननि बिज्ञान फोरोंगिरिफोरा  
बाहागो लानाय बे मावबादायाव गागि दालाइ आयदाफारि-  
गोजोर जौगाथायनि थाखाय (□ 5 बिलाइआव)



आसाम एग्रिकालर्स इजनिभारसिटिआ खुनाय 23 थि कनभकेसनआव आसामनि इज्यो बेंगिरि  
गुलाव चान्द कायारियाआ बाहागो लानाने डिग्रिनि फोरमानलाइ गथायनाय नुदो।

दतमा प्रेस क्लब आरौ कक्राझार जिल्ला  
जाफानि 2023-24 माइथायनि बान्था गथायदो

कक्राझार, 17 फेब्रुवारी:  
कक्राझार जिल्लानि सिडाव  
थानाय दतमा खाजोना बेंखनि  
खौरंगिरि आरौ खौरं बिजोनि  
मावफारियाफोरनि जुथाय  
आफाद दतमा प्रेस क्लब आरौ  
कक्राझार जिल्ला जाफाआ गुबुन  
बोसोरफोरनि बायदिनो  
देग्लायबो बान्था गथायनाय  
हाबाफारि खुडो। बे  
हाबाफारियाव 2023 माइथायव  
समाजाव बिहोमा होनाय  
जर'खा सुबुंफोरखौ बिहु फालि,



मान बिलाइ, ट्रफि आरौ फांसे  
बिफां फुलिजो बरायनाय जायो।  
हाबाफारि बायदिये दिने  
फुंभिलियाव फिर्फिला बिहोयो  
दतमा प्रेस क्लबनि आफादिगिरि  
(□ 5 बिलाइआव)

श्रीश्री गंगेस्वर महादेव आरौ संकत मचन श्रीश्री हनुमान मन्दिर  
बेखेवनायनि लोब्बायै हान्जा सुरनाय हाबाफारि खुंदो

तामुलपुर, 17 फेब्रुवारी: तामुलपुर  
जिल्लानि सिडाव थानाय कसुबारि  
ओन्सोलनि राइजो-राजा आरौ कसुबारि  
गोजो फरायसालिनि लोगो फोरोंगिरि,  
समाज सिबियारि गनेश रभादि हेफाजाबाव  
गोदानै लुनाय हनुमान मन्दिर बेखेवनायनि  
लोब्बायै 5 साननि हाबाफारिजो खुनाय  
श्रीश्री गंगेस्वर महादेव आरौ संकत मचन  
श्रीश्री हनुमान मन्दिर बेखेव फोर्बोआ दिने  
3 थि सानाव आगान होबाय। दिनेनि  
थामथि साननि हाबाफारि बायदिये



फुंभिलियाव बिटिसिनि एमसिएए  
बिजित गोरा नार्जरीआ धोरोरमरि दै  
खावनाय हान्जा सुरनाय हाबाफारिखौ  
बेखेवनाय होयो। बेनि उनाव  
मोनाबिलिआव आरति आरौ नाम आर'ज  
गाबनाय हाबाफारि खुनाय जायो। बे  
अन्नाधिभासम, जलाधिभासम,  
मिस्टानिधिभासम आरौ फलाधिभासम  
आरौ मोनाबिलिआव आरति आरौ नाम  
आर'ज (□ 5 बिलाइआव)













